



PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

PL	Juan, Yuan
2468	K'ao kung chi ch'e chih
Z8K338	t'u chieh
1860a	

East Asia

University of Toronto
Library
CI/128/62
ASIAN COLLECTION





皇清經解卷一千五十五

學海堂

考工記車制圖解

儀徵阮宮保元著

作車以行陸聖人之事也至周人上輿一器而工聚者車爲多考工記注解釋尙疏唐以後學者又專守傳注罕貫經文元以考工之事今之二三君子旣宜之矣于車工之事猶闕焉因玩辭步算率馮陋識訂證牙圍捎藪輪綆車耳陰軌輶深任木衡輓等十餘事作輪解第一輿解第二輶解第三革解第四金解第五推求車度次第解第六解所未明圖以顯之作輪圖第一輿圖第二輶圖第三

輪解第一

察車自輪始所以運車謂之輪

車者輪輿輶之總名故老子曰致數車無車車雖有輪輿輶之分而其用莫先于輪故考工記曰凡察車之道必自載于地者始也是故察車自輪始說文解字曰有輻曰輪無輻曰輹是輪又爲牙輻輹之總名矣考工記曰兵車之輪六尺有六寸乘車之輪六尺有六寸田車之輪六尺有三寸今就兵車乘車爲解

輪網謂之牙

考工記曰牙也者以爲固抱也司農云牙讀如跛者訝跛者之訝蓋輶非一木其曲須揉易說卦坎爲矯揉爲弓輪急就篇有輹字或合五而成規或合六而成規經無明文其合抱之處必有牡齒以相交固爲其象牙故謂之牙說文曰牙牡齒象上下相錯之形于車

牙牙字則加木作𦨇解曰車輞會也蓋𦨇本車輞會合處之

名本義也因而車輞通謂之𦨇此餘義也

考工記曰察其齒

齒蠹也此益可證名牙之義又春秋左氏傳曰輔車相依杜預曰車牙車也車牙與輔車互發其義也

若夫牙

寬牙厚之度則有記文可求記曰六分其輪崇以其一爲之

牙圍是牙圍一尺一寸所謂牙圍者乃輞牙周币之大圍圍

凡物圍者乃謂之圍牙圍一尺一寸卽牙大圍面寬一尺一

寸也

牙寬同輪崇檟漆內之例就其身平度之

記又曰參分其牙圍而漆其二是

漆其近輻之二分寬七寸三分三釐三豪

古命分法當云參分寸之一今概用

分秒法寸下設分釐毫三位以析之庶比量明晰可以閉門而造

不漆其近地之一分寬三

寸六分六釐六豪也此記文本自明確無疑義再由檟其漆

內等度推之亦無不合又車人大車輪崇三柯六分輪崇一

爲牙圍亦如此法可以互證自鄭康成氏誤注牙圍及漆牙之度卽爲言車制者首加一蔽注曰不漆其踐地者也漆者七寸參分寸之一不漆者三寸參分寸之二合牙厚一寸參分寸之二則內外面不漆者各一寸也釋鄭氏此義蓋以牙圍一尺一寸爲牙內外二面及建輻一邊踐地一邊共四面之圍然上下牙邊之厚及內外牙面之寬雖同在此一尺一寸之中而寬厚之數尙無由定乃合牙厚一寸六分六釐六豪兩邊得三寸三分三釐三豪餘七寸六分六釐六豪內外兩面分之以爲牙寬之數是牙寬三寸八分六釐六豪也復以踐地之邊厚及牙面近地之一寸不漆是不漆者三寸六分六釐六豪爲一尺一寸之參分之一也餘參分之二爲建

輻邊厚及近輻之牙面漆也由今論之此說不合者有五考
工記凡言圍皆指圍者言之所謂牙圍實指輪綱大圍而言
平度之得數不必定卽其身而規之也使必卽其身而規之
則牙內外面及上下邊實長方形不得曰圍其不合一也輪
人以牙在輪外踐地而行必須堅固故使之寬一尺一寸乃
不匡敝若以記文牙圍一面之一尺一寸爲兩面兩邊之數
則牙寬祇三寸許太柞無此理其不合二也小車綆參分寸
之二是牙厚二寸記有互文詳綆解條下今乃令牙厚一寸六分
六釐六豪是以意命之也豈知記於牙寬已明言之牙厚則
存于綆數之中不啻明言之寧待後人以意命之曰令牙厚
幾許乎且牙厚一寸許毋乃太薄其不合三也不漆踐地一

寸棹其漆內得六尺四寸中詘之三尺二寸爲轂長轂太長

應門不能容

詳推求車度次第解軸長條下

其不合四也車人言大車轂徑

一尺五寸合兩輻長四尺五寸兩牙圍三尺共九尺爲輪崇

與輪人相證其制益明若以一尺一寸爲牙四面之數則車

人所謂六分其輪崇一爲牙圍又將何說其不合五也

大車之牙謂之渠

考工記車人曰渠三柯者三鄭司農注云渠謂車輶所謂牙

尚書大傳曰散宜生之江淮之浦取大貝大如大車之渠鄭

氏注曰渠車輛也是渠卽牙也

又案車人大車雖以柯起度制實相同今釋其文並附輪圖

於後以資牙圍縷數之互證也車人曰柯長三尺又曰輪崇

三柯九尺又曰六分其輪崇以其一為之牙圍牙寬一尺五寸兩牙共三尺

又曰轂長半柯一尺五寸其圍一柯有半四尺五寸徑又曰輻長

一柯有半四尺五寸兩輻長也又曰其博三寸厚三之一

又曰綆寸又曰渠三柯者三輪牙外周二丈七尺也大車制

之法不似輞人皆密率也

轂者輻所湊也轂中空謂之藪

考工記曰梓其漆內而中誦之以為轂長梓者橫充物內而

度之之名也梓與光廣二聲同轉書堯典光被四表漢書王莽傳及後漢書馮異傳並讀為橫被四表爾雅

桃充也桃即與橫同義光黃聲相近也光轉聲為廣廣從黃得聲亦即有橫義故爾雅曰緇廣充幅方言曰幅廣為充此

即橫充而度物之義光廣聲再轉即為廓方言曰張小使大謂之廓淮南子曰下揆三泉上尋九天橫廓六合並同斯義

廓與擴聲亦相近孟子曰知皆擴而充之矣趙岐注曰擴廓也然則考工記梓其漆內之梓即與光廣一聲之轉知其為

是書經解卷之五十五 阮宮保車制圖解 庚申補刊

橫充物肉而度之之名矣今案六尺有六寸之輪除去牙上下兩面不漆

之三寸六分六釐六豪曄之得五尺八寸六分六釐六豪又中詘之卽爲轂長是轂長二尺九寸三分三釐三豪此兵車之轂至長者也故司馬遷曰成方十里出長轂一乘詩小戎曰文茵暢轂毛傳曰暢轂長轂也記又曰以其長爲之圍是轂長卽轂圍也淮南子曰郢人有買棟者求大三圍之木而人予車轂跪而度之巨雖可而長不足考儀禮注中人掎圍九寸三圍二尺七寸今轂巨圍二尺九寸三分三釐三豪故曰可也若其轂中空處所以貫軸者則名曰藪藪說文作櫟解曰車轂中空也急就篇作輶藪櫟聲之轉也藪爲中空之物故量亦名之儀禮聘禮記十六斗曰藪是也觀記曰量

其藪以黍是穀藪雖不必定如十六斗之多而要爲物中空受物者之名可知先後鄭氏亦並以藪爲穀中空但司農讀藪爲蜂藪之藪康成氏訓爲衆輻所趨皆指穀外建輻之鑿爲言非穀中空之謂矣記又曰以其圍之防稍其藪鄭康成氏注訓防爲參分之一此以圍防爲藪圍誤以藪爲穀中空處實大穿小穿之通名大穿曰賢小穿曰軹其圍度則記所謂五分穀長去一以爲賢去三以爲軹者也是賢軹之圍卽藪圍安得別出藪圍大於軹而小於賢乎且防從阜力聲說文解爲地理若易繫辭之扌王制之仿並當訓餘未嘗有參分之一之訓也使果參分之一爲藪圍記何不曰參分穀圍以其一爲藪圍而必變其文曰以其圍之防稍其藪乎元案

防當依說文作枋木理也今從阜作防字相假借理防一聲之轉物皆有理木亦宜然輪人曰稹理而堅疏理而柔此車工之木必須順理之明證記曰以其圍之防梢其藪者此言

順穀木中直理除去穀中心木而為藪非言其圍也

鄭康成氏注梢

除也梢有除去之義史記龜策列傳梢菟絲而去之是也元案梢其藪者乃抽拔去穀木中心以為藪也輪人梢藪匠人梢溝上林賦梢鳳皇甘泉賦梢夔魑梢梢同義爾雅釋木曰梢梢擢方言曰擢拔也文選注引蒼頡篇曰擢抽也梢藪之梢當訓何以明之匠人為溝洫凡溝逆地防也

地理謂之不行

水屬不理孫謂之不行梢溝三十里而廣倍此文正與輪人

文一例匠人言為溝必順地理除去其土而為之猶輪人言為藪必順木理除去其木而為之也考工記出一人之手其文既已相同其說安可以互異且細繹經文其曰以其長為

之圍此由直理而言及橫理也曰以其圍之防稍其藪此又
由橫理而言及直理也曰五分其轂之長去一以爲賢去三
以爲軹此又由直理而言及橫理也展轉相因益知古人修
辭之妙若下文明言賢軹之圍而先又別出藪圍古人斷不
若是謬戾惟後人誤解其義故於文體訓詁度數三者皆不
合也

絲輻以內爲大穿絲輻以外爲小穿大穿賢小穿軹

穿者軸所貫也大穿者在輻內近輿之藪名小穿者在輻外
近輻之藪名大穿圍大小穿圍小蓋輻內之軸任重故不可
殺使其穿大而轂弱輻外之軸任輕可以殺使其穿小而轂
強且殺軸亦所以限轂使不致內侵也記曰五分其轂之長

去一以爲賢去三以爲軹

賢大穿金釭軹小穿金釭詳見金解

是賢圍當二尺

三寸三分零七豪也此轂太薄穿太大無此理故鄭康成氏

曰大穿甚大侶誤矣大穿實五分轂長去二也反覆此說實

爲可據蓋五分去二其圍一尺七寸六分也此圍不過大轂

厚亦不易破矣

軸圍一尺三寸二分小於賢圍數不相當者其中爲鐫厚也

其譌去二爲

去一者蓋記文偶有缺筆耳理無可疑故從鄭說但鄭氏知

一爲二之誤矣而旣以防圍爲藪圍因又有賢軹之圍毋乃

岐錯因遷就爲金厚一寸之說蓋非豈知賢軹之金不滿穿

中剡藪兩末以容金厚而金釭之圍與大小穿之圍同徑其

中相平乎

又案小穿之軹卽周禮大馭祭兩軹之軹不嫌與輿內之軹

同名戴君東原考工記圖據司農大馭注曰故書軹爲軒謂
考工記軹字當依此改爲軒字爲其與輿內之軹溷淆元案
軹名有二在輿在轂本殊大馭之軹故書作軒杜子春云軒
當爲軹已正其誤似未可以故書一軒字畧爲新奇而遽改
周禮大馭祭考工記記曰軹崇三尺有三三處之明文也若
以爲與輿內之軹溷淆試思輪輻名輹蓋弓亦名輹輻有輹
蚤蓋弓亦有輹蚤車徹名軌轉頭亦名軌車輻木名輪車輹
亦名輪皆是一名兩處無慮溷淆也綜貫諸義似以作軹爲
安

輪輹謂之輻

考工記曰輻也者以爲直指也古者一輪三十輻老子曰三

十輻共一轂淮南泰族訓曰輪不運而三十輻各以其力大

戴禮保傅篇曰三十輻以象月說並與考工記同

記曰輪輻三十以象

日月日月三十日合朔遷一舍輪周三十輻在地遷一舊似之

輻入轂謂之蓄人牙謂之蚤

何以謂之蓄蚤也蓄蚤皆指名也公羊傳曰

文十如以指則四年

接蓄也四接蓄卽駢指也禮儀巾櫛髻蚤蚤卽爪也古人命

物多就人身體名之也

如牙股髀胡頸踵輟等皆是

蓄又謂之弱者蓄藏

不見有似蒲在水中之弱故鄭氏曰今人謂蒲本在水中者

爲弱也輻廣當與牙廣同

見緩解下

若其厚則六分六釐六豪何

以明之大車輻博三寸厚三之一是小車之輻博二寸厚當

參分寸之二矣三十輻共厚一尺九寸九分九釐九豪周遭

建於轂圍其兩輻之間不寬不杵也若人轂之菑自當更薄而菑末又當削銳之蓋以三十輻共趨轂心若菑厚而豐末轂心不堅而鑿亦相通故淮南說山訓曰轂強必以弱輻兩強不能相服又說林訓曰輻之入轂各值其鑿不得相通荀子引詩曰轂既破碎乃大其輻此皆強有餘而固不足也

輻近轂謂之股近牙謂之骹

說文曰股髀也骹脰也考工記曰參分其股圍去一以爲鑿圍司農云言股以喻其豐言骹以喻其細記又曰參分輻長而殺其一蓋人股本豐自膝以下則向內削而細今輻形正似之也參分輻長股不殺者二分骹殺者一分也但所殺之圍祇參分輻博殺其向外之一分非周圍殺之也此在外所

殺參分之一卽綆也所以殺之爲濂泥也

輻骸不滿牙曰綆

考工記曰眡其綆欲其蚤之正也又曰六尺有六寸之輪綆參分寸之二謂之輪之固鄭康成氏注此謂綆爲出於輻股鑿之數也又每計徹廣必加綆數賈公彥鑿孔外侵之說誤不足辯近江君慎修曰驗今時不殺之輻繹鄭義以爲牙上之鑿不偏但輻用偏蚤入正鑿向內則輻乃外出參分寸之二所以計徹廣必加綆數元案鄭氏此說非是記曰綆參分寸之二謂之輪之固者其意以爲綆參分寸之二則牙厚二寸輪乃固少薄卽不固矣牙厚二寸試三分分之每分得六分六釐六豪內一分與輻蚤曲剡處相齊中一分爲蚤鑿外

一分當輻散殺處是曰綆也綆寬六分六釐六豪也輻所殺之散既與牙邊不相當似乎牙向外出其實合股之不殺者視之正與牙平竝不外出也且所以必殺爲綆者不過爲濂泥之故記曰參分其輻之長而殺其一則雖有深泥亦弗之濂也竝無別事諺巧而戴君東原又繹鄭氏輪算不掉之義以爲輪不綆必左右伉搖綆則重勢注於內無傾掉之患此益非記者之本意大凡轂長穿軸相得者則安轂短而穿軸內寬者則掉若令牙厚出輪外絕無關於掉不掉也再案大車小車皆輻廣同牙厚綆數居牙厚參分之一何以明之車人曰輻博三寸此則大車牙厚三寸可知又曰綆居牙厚參分之一可知今輪人惟舉綆數不言牙厚以有車人之例可互見也且以此制人

人皆知可以省文初不料後人如是誤解之也故不細釋車人牙縷之義及輪人輻骸外殺之制則輪縷之說不明而牙厚亦無從起度矣

鄭司農讀縷爲關東言餅之餅謂輪算也蓋漢人呼縷如算故鄭司農假借算字以定

其聲若說文甌算之義迥不相涉也

車徹謂之軌

古者經涂九軌軌廣八尺匠人以爲度軌自爲徹迹之名說文曰軌車徹也从車九聲蓋乘車兵車田車等崇卑雖不同而兩輪則同廣八尺不如此出門不合徹故禮記中庸曰今天下車同軌是也孟子曰城門之軌莊子曰車徹中有鮒魚焉亦竝指車迹軌寬八尺比與兩旁各寬七寸者輪必少遠于軌且以爲軌外設扃建兵地也輻內大穿之轂長九寸一

分一釐一豪除去在外七寸餘二寸許藏入輿底鄭氏以輻

小穿轂厚

為二寸半輻廣三寸半綆參分寸之二湊足其數非也


二寸八分若竝其輻廣以為之弱弱長三寸有是事乎又兩轄頭亦名軌詳見軸解條下

又案輪人為蓋其部斗枚鑿字曲句股舊說皆不誤故不為

蓋立圖解




漆輪牙樽漆內圖




鄭注牙圍漆

牙棹漆內圖



大車輪圖



輿解第一

車上受物曰輿

說文曰輿車底也續漢書輿服志曰上古聖人觀轉蓬爲輪行不可載因物生智後爲之輿故輿後于輪輿者軫輻軹軹之總名專謂較式內爲輿者非考工記曰輿人爲車輪崇車廣衡長參如一是一是輿廣六尺六寸也又曰參分車廣去一以爲隧是隧深四尺四寸也謂之隧者康成氏以爲深如隧字也

車廣橫而兩輪縱故廣輪爲橫縱之名儀禮士喪禮記掘

坎廣尺輪二尺周禮大司徒周知九州之地域廣輪之數

禮記檀弓廣輪揜次皆此義也

輿下四面材謂之軫軫謂之收

輿下四面木材爲軫是說戴侗六書故首正之其說曰軫輿

下四面木匡合成輿者也考工記曰軫之方也弓象地也

元案

大戴禮保傳篇說同又曰六尺有六寸之輪軹崇三尺有三寸加軫與

轅焉四尺也又曰輪人為蓋弓四尺謂之庇軫又曰五分其

軾間以其一為之軸圍按軾乃四面木獨以為輿後橫木者

非也使軾獨為輿後橫木則不得言方弓象地且軾之兩旁

木加于軸故曰加軾與轅為四尺若輿後橫木安能加軾軸

之上乎且庇軾庇輿庇軹皆指左右兩旁而言非指輿後明

矣況記言五分其軾間以其一為之軸圍若獨為輿後橫木

則不得言間矣康成於軾圍既謂輿後橫木于加軾與轅則

又通謂之輿未免自變其說蓋由不察任正衡任之名以任

正為輿下三面材持車正者故獨以軾為輿後橫木也戴氏

此說極確實發漢唐以來之蒙蔽元又案史記天官書曰軫
爲車主風索隱引宋均說軫四星居中又有二星爲左右轄
車之象也此亦四面爲軫之明證軾木最太輿底木板兩輪
板皆賴軾相收以爲固而轄較軾亦將就軾爲鑿以樹之也
蓋軾所以收衆材者故又謂之收詩秦風小戎伐收傳曰伐
收淺軾也中庸振河海而不洩注振收也軾振音義同晏子春秋曰淺軾之車而
牝馬卽小戎義也又案車後橫木曰任正自漢以後冒軾之名二物溷淆詳辨輶解
輿前橫木謂之式左右板謂之轄

釋名曰軾式也所伏以式敬者也考工記曰三分其隧一在
前二在後以揉其式又曰以其廣之半爲之式崇是式長與
輿廣等崇于軾三尺三寸其兩旁居轄板上則須揉治而誦

之一在前卽式深二在後則騎深也說文曰騎車旁也毛詩作猗蓋輿左右木板通謂之騎式下板亦名騎參分騎隧一在前二在後後高出于前式二尺二寸記曰以車隧之半爲較崇是也騎通高五尺五寸也

輶上反出謂之輶騎立木達輶謂之較

言車制者皆以爲直騎由不解車之有耳也說文曰較卽較字

車騎上曲鉤也鉤今本訛作銅文選西京賦七啓注兩引並作鉤又曰輶車兩騎也

以車耳聲又曰耳耳下垂也象形春秋傳曰秦公子耳者其耳下垂故以爲名又曰輶車耳反出也合此四者可知車耳之反出矣蓋車騎板通高五尺五寸其下三尺三寸直立軫上軫上之輪崇三尺三寸與直騎前式同高若過此三尺三

寸之上則漸向外曲勢反出乎輪之上象耳之聑故謂之輓
以其反出又謂之輓至其直立軫上上曲如兩角之本則謂
之較重出式上故名重較崔豹古今注曰車較重耳也在車
輦上重起如兩角然角較通借此固謂車耳重出式上如兩角之
綺勢也重耳卽垂聑之義秦公子名聑衛公子名輓晉公子
名重耳魯叔孫名輓字子張鄭公孫輓字子耳皆此義也詩
曰寬兮綽兮猗重較兮重較卽重耳之義以喻武公之開張
寬廣也記輿人曰棧車欲弇飾車欲侈侈卽兩耳侈張古制
一尋若此輓所以必反出者應劭漢書注曰車耳反出屏翳
塵泥蓋輪在輓外車驅疾則塵隨而上有輓屏之則塵不及
人又考建兵之局在輓外五兵本可直建因有輓所以迤建

記曰戈秘六尺有六寸既建而迤崇于軫四尺則迤而適出于車耳之外矣故曰輶爲車耳較爲兩車耳立木也大約古人重較惟卿大夫之車有之至漢猶然禮士乘棧車棧車者木立軫上不曲如棧也若大夫墨車卿夏縵以上則並名軒有車耳

說文軒曲輶輶車左傳鶴有乘軒者

三代法物以別等衰端在乎此豈

容鵠突毛傳以重較爲卿士之車此實當時禮制戴君東原譏其傳會者非也

錢氏姑車制考曰輶上縮謂之較此似猶沿舊說至所引漢官儀曰孝景帝六年令

千石六百石朱輶輶即輶太元積首君子積善至于車耳測日至于輶也此皆可爲輶字加證元又案蕃與藩同乃車前後之有蔽者如爾雅之竹前簠詩之簠第是也此字與車耳之輶迥別俗書多誤今太元輶字實當作輶俗本有誤作蕃者又案漢仙人唐公房碑鼠齧輶車被具輶猶作輶

車輶謂之軫輶橫軾也輶直軾也

說文曰轆車籍交錯也輪車轆間橫木司馬相如說輪或從

靈蓋轎內轆木縱橫相結如轆也

輪如窗櫺左傳陽虎載蔥靈以逃賈逵注曰蔥靈衣

車也有靈輪所以固轎亦交于較楚辭九辯曰倚結輪兮長太

息涕潺湲兮下霑軾揚雄甘泉賦曰據輪軒而周流兮皆謂

此也

又轆末亦名輪詳解

蓋輪為軾轎之總名軾枝也如枝相交也

轎者對也對于人也轎橫交於軾故說文曰轎車橫輪也轎

為橫輪軾直輪可知

輿下鉤軸者為轆轆謂之輶輶謂之伏兔

轆在輿底而銜于軸上其居軸上之高當與輶圓徑同至其

兩旁則作半規形與軸相合而更有二長足少鏤其軸而夾

鉤之使軸不轉鉤軸後又有革以固之

見革解

輿底有轆則不

致與軸說離矣易曰輿說腹俗訛作輻虞翻曰腹或作輻盧氏曰

輻車之鉤心夾軸之物是輻即輻也或謂之伏兔者以伏於

軸上似之也又謂之展象展之形

當式下圍輈者曰輈

輈之為物蓋在輿之前軫下正中略如伏兔為半規形以圍

輈身輈與輿之力在後軫則有任正以持之在前軫則有輈

以銜之故左右轉戾不致敗折漢制輿底有縱車索方言亦名畢名綦古車制成器堅固

無須輈從車凡聲與范範字通借易繫辭曰範圍天地而不

過禮運曰范金合土法言曰模不模範不範通俗文曰規模

曰範廣韻曰範模也釋此諸義自是半規而可模範物使不

過者之名輈在前軾下所以範圍輈身使不過也故記曰環

灋自伏兔不至軌七寸考伏兔至軫一尺四寸許環灋七寸居其半餘七寸始至軫軌當與軫寬等三寸許與環灋尙離三寸許故曰不至軌此由內而數至外也記又曰軌中有灋謂之國軻案軌在輿前人目及見若環灋則在輿底目不及見故須察之此由外以觀其內也合此二者其地確不可易如此記又曰軌前十尺而策半之此正爲軻身起度試略移其處亦卽不合此經文之可參考而知者至傳說家若鄭司農杜子春許叔重並曰軌車式前也其意謂軌當式前下耳非式上之前別有軌也特以訓辭少晦軌之爲物亦將與任正之木同歸湮失而車不可行矣又周禮夏官大馭祭兩軻祭軌杜子春云軌當爲軌少儀祭左右軌范注范與軌聲同

輓之物小而必祭之者因輓身不掉全恃乎此與輓共爲關
要故孔穎達曰祭之爲其神助已不使傾危也使渾稱輓爲
車式前並無其物則將祭于式上乎抑輿下乎抑輓上乎斯
不然矣


又案記者于車工之木中乎度數有定法者必詳言之若輓
輓及輓板輿底橫木陰板輓等工人皆可以意爲之惟取堅
固故不言其制非無其物也

所以揜輓謂之陰


陰者輿前式下板也詩小戎曰陰靽蓋續毛傳曰陰揜輓也
箋曰揜輓在式前垂輓上釋名亦曰陰蔭也橫側車前所以
蔭笱也蓋輿前後皆空又前軫下有輓以衡輓身此陰板揜

乎輶前空虛下垂至輶上并輶亦揜之使不見故陰卽名揜
輶且爲輿前容飾也或直命揜輶爲輶者誤矣

輿圖一



輓揜輓垂下式當輓揜陰



皇清經解卷一千五十五終

嘉應生員葉輅校

皇清經解卷一千五十六

學海堂

考工記車制圖解

儀徵阮宮保元著

輶解第三

曲輶輶

輶者曲輶駕馬者也以其形曲故與舟同聲曰輶輶身通長一丈九尺餘車之材莫大于此木之中輶者少故必須揉治乃中軌前上曲及弧深之度禮運曰山出器車禮斗威儀曰出車垂句孝經援神契曰德至山陵則出木根車皆言瑞運之應山木自生垂鉤之形中乎輶度不須揉治也輶所以必撓曲之者爲登降均馬力也輶人言直輶無撓之弊者三皆所以發明輶不可不撓之義觀直輶之弊可知曲輶之和矣

輈身在輿下者正平長與輿隧等四尺四寸若夫出軌以前
輈身之長及所撓深淺等度則舊說甚多蒙蔽輈身者任正
當兔等圍所據以起度者也考工記雖無明文必有互文見
義之處且軌前至輈端之長不定則輿前駕馬之地長短無
馮揉輈深淺之度不定則又有深則折淺則負之弊記者安
得不示人以定法乎要知記文本自簡明可據自鄭康成氏
失解之而其度不可求矣今且依鄭注述之其誤可見記曰
國馬之輈深四尺有七寸鄭注曰衡高八尺七寸除馬之高
八尺則餘七寸爲衡頸間也記又曰軌前十尺而策半之鄭注
曰謂輈軌以前之長也據此則鄭意以輈深四尺七寸爲輈
端直垂下至與軌平處之高得四尺七寸除輪半崇及加軫

與轆之四尺不八筭也且以軌前十尺爲軻身之長也後當免諸

圍鄭皆以爲一尺夫使軌前十尺爲軻身則軻身不能無撓其撓之

數經無明文于是又意爲解曰凡弓引之中參揉軻之倨句

中二可也中二則參分損一耳卽十尺之曲軻參分損一得

六尺六寸六分之直弜再以軻深之四尺七寸爲句以求其

股則股長四尺三寸三分有奇卽使服馬尾近著陰枋之前

而軻端之衡已近居馬脊中矣有是理乎且國馬高八尺亦

就昂首者言之耳中人皆長八尺若馬頸壓衡處高八尺是

與人頂同高馬再昂首高一丈餘矣古馬猶今馬安有如此

高者馬頸至高不過六尺與人胸齊且記明言軻深今解爲軻高于字義亦

遠失之又案鄭注曰軌前十尺十或作七令七爲弜四尺七

寸爲句以求股股則短矣七非也鄭此注亦自知股太短不足容服馬訂七爲訛字但以七尺之弜爲非固以十尺之弜爲是矣若以十尺爲弜則軻身絕無撓矣且卽以十爲弜四尺七寸爲句得八尺零八分有奇之股亦尙不足爲驂馬地也由前之說則輿前短縮衡亦太高由後之說則輿前略寬軻又無撓舛誤至此皆由誤解記文之故然則記文果何解耶元案記曰軻前十尺此自軻前直引至軻端長十尺也記曰國馬之軻深四尺有七寸鄭司農注云深謂軻曲中此解極精確不刊觀記文一日凡輶軻欲其孫而無弧深再曰軻深則折淺則負深字皆指曲中者爲言是所謂深四尺有七寸者乃曲中之度必非軻端下垂之高明矣今以通徑求外

周以定軻身中心之長考軻身有圍卽有徑求記者之意其
軻身當以徑三寸八筭何也蓋以此三寸合之四尺七寸其
深五尺爲半徑合通徑十尺適得平圍之半圍形不差分釐
也又軻身既有圍徑之三寸則當有胸有羸今以軌前十尺
內減兩端軻身徑共六寸餘九尺四寸之通徑合四尺七寸
之半徑求平圍半周得十四尺七寸六分五釐四豪此軻身
胸數也若竝軻兩端身徑在內爲軌前十尺之通徑合軻身
三寸于深四尺七寸爲五尺半徑求平圍半周得十五尺七
寸零七釐九豪此軻身外背之羸數也旣得羸胸二數再以
二數通徑相減爲九尺七寸之通徑合四尺八寸五分之半
徑

適當軻圍
徑中心

得平圍半周一丈五尺二寸三分六釐六豪此

輶身中心之長也據今所推則輶身之長實定于輶深四尺七寸及輶前十尺二語之中記文本自簡明可據鄭司農說亦不誤今密推之亦適得平圓中規如此不知康成氏何以必變其說致一往皆謬也又案考工記車人曰凡爲輶三其輪崇此雖爲大車直輶起度而小車曲輶亦同此法凡字所括正多也特以輶人既有明文本不必遠據車人之文以爲典要然恐輶深輶前等所推之數未足深據則試再以車人之文證之乃益知記者省文互義無不密合也記曰兵車乘車輪崇六尺有六寸三其輪崇得一丈九尺八寸今以所得輶心長一丈五尺二寸三分六釐六豪加輶下輶身四尺四寸共長一丈九尺六寸三分六釐六豪兩數比例差一寸六

分三釐四豪但軻身胸數與軌底處相齊若軻中心則已
占八輿下軻身一寸五分是所差實一分三釐四豪耳制作
之密至于如此古人精心非後人可及也至于軻身之衡去
地之高則約六尺何以明之國馬高八尺就昂首者言之耳
若其頸脊之間服軛之處至高不過六尺中人皆長八尺此
與人胸相齊今試擇馬之至高者驗之皆如此也漢書景帝
紀衛綰奏馬高五尺九寸齒未平馬正壯也馬十歲外齒平不得出關此
實就頸脊之間高者言之故五尺九寸爲極高西漢初較周
尺已差大若建初慮僥銅尺則比周尺又大矣

又案記曰田馬之軻深四尺田車之輪六尺有三寸此爲半
橢圓形與國馬之軻爲正圓者不同故恐軻長三其輪崇或

有不合試再推之以軌前爲通徑輈深爲小半徑求橢圓積

得橢圓半周贏胸二數相減得田馬輈心長一丈四尺三寸

四分四釐一豪

法詳推求車度次第解

再加輿下四尺四寸共長一丈

八尺七寸四分四釐一豪三其輪崇得一丈八尺九寸差一

寸五分五釐九豪復除輈中心占八輿底輈一寸五分亦僅

差五釐九豪耳是田馬之輈亦密合也又記曰駑馬之輈深

三尺有三寸記不言駑馬輪崇然輈深旣以七寸遞減輪數

亦必以三寸遞減

田車輪崇減于兵車三寸

竊訂駑馬輪崇當六尺也今

亦以軌前爲通徑輈深爲小半徑求橢圓積得橢圓半周贏

胸二數相減得駑馬輈心長一丈二尺八寸零零一豪再加

輿下四尺四寸共長一丈七尺二寸零零一豪三其輪崇得

一丈八尺差二寸零零一豪再除輈心占八輿底輈一寸五分所差亦僅五分零一豪耳是駕馬之輈亦密合也由此數者求之可益證輈前輈深之說之非誤而訂駕馬之輪崇六尺得數于記文所未及者亦不爲無據矣

又案漢石刻武梁祠像及孔子見老子畫像搨本皆有二馬車石雖殘闕形尚可辨其車輈出輿下平至馬尾始昂而上與古輈輈法已不能盡合矣

輈繇輈以上爲侯侯謂之頸

秋官大行人立當前疾司農云疾輈前胡下垂在地惠君定宇曰疾乃侯之訛唐石經已然禮說曰侯伯立當前疾論語疏小雅蓼蕭疏引作侯尙不誤元案惠說是也胡侯一聲之

轉凡物下垂如人喉者皆曰胡故戈援之下亦名胡也侯謂之頸者秋官之侯卽考工之頸同處異名亦異名同實蓋輶絲侯以上其圍漸殺矣

輶後投任正謂之踵當伏兔者爲當兔

踵者投任正之中者也記言十分輶長以一爲當兔之圍是當兔圍最大與任正同記又言五分頸圍去一爲踵圍者以踵投任正鑿中故殺之也

輶兩端木爲任木前端駕馬爲衡任後端持輿爲任正

考工記于輶人特出任木之名又言衡任任正之制漢以來說者多誤鄭康成氏以任正爲輿下三面材戴侗已辨其爲軫矣而任正之制尙然未覩元案任木者輶兩端木名衡任

衡任與程不同程
謂衡任爲輶之
端如馬也
戴侗辨玄誤當作
輶

者卽輶前端之衡駕馬者也任正者輶後端之橫木當車後

持輿之後軫底者也任木最關重要故考工記于輶人特曰

凡任木凡字意括兩端而言任正者十分其輶之長以其一爲之圍衡

任者五分其長以其一爲之圍又恐拙工之鑿小之故終警

之曰小于度謂之無任此聖人制作之精意也匠人凡任索約大汲其版

謂之無任文意同此任正木最大長應與輿廣等橫安車後與輶踵爲

內鑿之投作一形因而加輶于軸作H形又加輿于輶軸上

作申形輿後軫與任正交固若一前軫下之輶規定輶身是

輿已安置輶上不傾仄矣而輿底與軸猶相離也于是左右

軫內有伏兔者下鉤乎軸是輿又得左右銜制之力不動掉

傾脫矣故輶與輿軸三物合一堅固不離全賴此任正之力

試以馬引輶輶與任正并力載輿以行而輿下伏兔又夾軸以行輿下之輶欲左右動移而輿底伏兔及輶之力制之輶上輶身欲反側紐戾而輿與任正相合之力又制之此任正之所以爲正也自解者不識車後有任正之木而記又明有任正之名遂以任正歸之軫試思輶別爲一直木軸別爲一直木縱橫交處非有內鑿之投金革之固也因而加輿于輶加輶于軸無論輶身與輶不足以安輿卽輶在輿之下軸之上兩無關繫直可抽出矣縱合有金革以固之百步之中未有不敗折者也以有任正之堅固如彼無任正之舛謬若此究其名物致誤之由總由于輿後橫木爲軫之一訓也考工記軫屬于輿人任正屬輶人本不相涉特以加輿于輶其後

軫與任正相合若一。又以輿左右前三面皆有板人所不當
指名所指名為軫者惟輿後耳。故左昭二十一年張句抽爰
而下子城射之折股句扶服而擊之折軫襄二十四年踞轉
而鼓琴服虔曰轉軫也。此皆獨指輿後之軫爲言。世因有車
後橫木爲軫之訓。遷軫之名于任正矣。但考方言曰軫謂之
枕。郭璞注車後橫木。說文曰軫車後橫木也。釋名曰軫枕車
前若臥牀之有枕。就枕生義故變是揚許劉三君雖以任正
冒軫之名而任正之木尚在。故或曰車後橫木或曰如牀有
枕皆見其物指其處且象其形也。至鄭氏注周禮知軫屬輿
不屬輶因舉而歸之輿後而于所謂任正者竟以輿下前三
面材當之。于是車後絕無此任正之橫木矣。總之漢以前任

正因近軫而冒軫之名漢以後歸軫于輿而失任正之本誤之又誤鮮辯久矣

又案近戴君東原謂任正爲軻衡任爲衡與軸考工記凡任木以下三十八字先發下文之意下文乃舉其制故重言衡與當免之圍此說亦誤以今考之其不合者有四考工記屬文最省至車工之事尤爲簡潔容有事當明言而省文互見者斷未有先已明言其圍後又重複言之者細檢記中無此文體其不合一也記以衡圍卽起于衡長故惟曰衡任者五分其長以其一爲之圍其字下不必加衡字而任正之圍則起度于軻故曰十分其軻之長以其一爲之圍於其字下特著軻字以別之若任正卽軻身則其下軻字爲贅疣矣其不

合二也設使任正爲軻衡任爲衡與軸先言其圍下文不妨再言何以下文惟言軸圍及軻當免圍獨置衡圍於不論乎其不合三也軸之通長一丈二尺斷不得以當輿下之六尺六寸指名爲軸其兩端之長置不入筭果軸爲五分其長之一則圍當二尺有餘卽與下五分軻間一爲軸圍大相矛盾其不合四也

小車衡大車鬲所以鍵衡謂之軻所以鍵鬲謂之輓

衡卽衡任也鬲者大車衡名說文曰輓大車輶端持衡者輓車輶端持衡者論語曰大車無輓小車無輓包咸注輓者輶端橫木以縛輓輓者輶端上曲鉤衡其說非是戴侗六書故曰輶端橫木卽衡也輓乃持衡者此已足正舊說之謬戴君

東原又爲之證曰韓非子外儲說墨子曰吾不如爲車輓者

巧也用咫尺之木不費一朝之事而引三十石之任

元案墨

篇曰子墨子謂公輸子曰子之爲誰不如翟之爲車輓須子曾問按

大車昂以駕牛小車衡以駕馬其關鍵則名輓輓輓所以引

車必施輓輓然後行伸之在人亦交接相持之關鍵故以輓

輓喻伸包氏以踰丈之輓六尺之昂而當咫尺之輓輓疏矣

據戴氏說則包說謬矣元又案皇侃論語疏引鄭康成氏注

曰輓穿轅端著之輓因轅端著之鄭氏說本不誤集解棄鄭

取包可謂無識揚雄太元經曰閑次三關無鍵盜入門也拔

我輓輓貴以伸也此卽子雲用論語之義其曰拔則爲衡上

之鍵可知且與上關鍵同一義也此皆輓輓爲衡昂鍵之證

也

衡鬲下扼馬牛者輓輓謂之烏啄衡下兩輓曰兩駒

衡與車廣等長六尺六寸平橫軸端直木也車人曰鬲長六尺亦直木也若其壓馬牛頸處則別有曲木縛於衡鬲之下以下扼馬牛之頸包咸論語注曰輓者轅端橫木以搏輓此雖誤解輓爲鬲而其言輓縛於橫木之下則漢時目驗猶然皇侃疏曰古作牛車二轅不異卽時車但轅頭安扼與今異也卽時車扼用曲木駕於牛脰仍縛扼兩頭著兩轅古時則先取一橫木縛著兩轅頭又別取曲木爲扼縛著橫木以駕牛脰也卽時一馬牽車猶如此也據皇氏說則扼別爲衡鬲下曲木甚明至梁時此制尙存故得以目驗而知由此說驗


之諸書無不合者急就篇旣言軻衡又言軻縛莊子馬蹄篇
曰加之以衡扼衡軻爲二物甚明儀禮旣夕曰楔貌如軻上
兩末楔乃未含飯置尸口中者爲半規形末向上據此可知
軻曲半規特末向下耳軻又名烏啄者烏啄合聲爲握凡以
手扼物曰握握扼聲轉皆半規曲形之名故詩韓奕曰絳革
金厄厄卽軻毛傳訓爲烏蠋也鄭箋說非爾雅虺烏蠋卽詩所謂
蜎蜎者蠋蟲行屈中卽名厄也蜎蜎蠋曲貌考工記盧人刺
兵欲無蜎亦此義也釋名曰烏啄向下义馬頸似鳥開口向
下啄物時也此象形則得矣釋義則甚謬也鬲下駕牛祗用
一軻若衡下駕馬則用兩軻故兩軻又名兩鞵鞵亦以其曲
句名之也左襄十四年射兩鞵而還昭二十六年中楯瓦繇

駒汰輶服虔曰駒車輶兩邊又馬頸者

所以貫轂謂之軸軸末謂之害害謂之軌軌謂之軹害上鍵謂之牽牽謂之軛

釋名曰軸抽也入轂可抽出也說文曰軸持輪也史記淳于髡傳曰猋膏棘軸所以爲滑也然而不能運方穿蓋軸橫輿底穿兩輪運於穿中膏之乃滑也謂軸末出轂外爲害者說文曰害車軸端象形或從彗作𨋖害長而細又在轂外最易相𨋖故𨋖從害晏子春秋曰齊人好𨋖轂相犯以爲樂史記齊田單宗人盡斷其車軸末而傅鐵籠皆謂此也害又爲軌爲軹者王先生懷祖曰詩濟盈不濡軌此軌字與少儀同少儀曰祭左右軌鄭氏注曰軌與軹於事同謂軹頭也

今本事訛車據



輶圖

輿

踵

管田兔

輪

軌

頸卽侯

寶

癰疽疔毒

附錄

記四軌前十

馬首高

馬頸高


地平

以深四尺七寸為半徑
記曰國馬之轡深四尺有七
寸鄭司農云深謂轡曲中

式轡深十尺

馬首高

田馬斬圖




駕馬斬圖




記曰田馬之軻深四尺

記曰駕馬之軻深三尺有三寸

任木軸圖



考工記卷十六



革解第四

革漆在轂謂之幬幬謂之縵縵上篆謂之約軹漆在當兔爲環
澣輿革前謂之鞅後謂之第革在式謂之鞅在轆謂之轆在軹
謂之鞅衡束謂之鞅高縛謂之鞅

謂革漆在轂謂之幬者考工記曰進而眠之欲其幬之廉也

後鄭注曰幬縵轂之革也革急則裹木廉隅見蓋轂外有急

革裹之以爲固也謂幬謂之縵者周禮春官巾車曰卿乘夏

幬是也謂幬上篆謂之約軹者巾車曰孤乘夏篆說文引是

也車有縵篆孤卿又爲夏采也詩小雅曰約軹錯衡約軹卽

篆也謂在當兔爲環澣者記曰良軹環澣自環澣不至軹七

寸軹中有澣謂之國軹案自伏兔不至軹七寸是漆伏兔至

阮氏又自謂當兔
爲環澣是征前說伏兔
說之詳

軌軻身之半也。司農讀爲澣酒之澣。環澣謂漆沂鄂如環。弓人曰：寒奠體，冰析澣，冰析澣則審環。又曰：角環澣，據此則環澣者，膠漆周裹如積環矣。謂輿革前鞮後爲莛。集韻作鞮者爾雅釋器文。郭璞曰：鞮以韋鞮車式，第以韋鞮車後也。詩韓奕：鞮鞞淺幪，毛傳：鞮革也。鞞式中也。是鞞卽鞮也。淺幪乃以淺毛虎皮覆式，與鞞式之鞮不同。謂在輶謂之輶者，說文曰：輶者伏兔下革也。讀若閔，蓋加輶軸上。又以革縛之，使不脫也。謂在軻爲檠者，詩小戎曰：五檠梁軻，毛傳曰：一軻五束檠。歷祿也。說文曰：歷祿束交也。謂衡束爲轡，鬲縛爲鞮者，說文曰：轡衡三束也。或作轡鞮大車縛軌也。

金解弟五

金在輪轆謂之錫在穿曰釭大穿釭賢小穿釭軹軹謂之鎗鎗謂之軹在軸閒釭謂之鎗在惠鍵輪謂之轄車環謂之捐衡上環謂之轆

謂在輪轆謂之錫者說文曰錫鑠車輪鐵也蓋輪轆雖是堅木終易敝于沙石故有金以傳其外錫讀如朱干設錫之錫大抵金之緣物而傳其外者皆謂之錫郊特牲朱干設錫謂以金傳干背詩韓奕鉤膺鏤錫謂金傳馬當盧也謂在穿釭

大穿釭賢小穿釭軹者說文曰釭車轂口鐵也

今口訛作中眾經音義兩

引並釋名曰釭空也其中空也釭又爲賢軹之總名謂之賢

者說文曰取堅也讀如鏗鏘之鏗古文以爲賢字是賢有堅

義也

公羊成四年伯取卒左氏作堅穀梁作賢又漢校官袁良碑賢皆作取羣經音辨引鄭眾音讀賢爲胡甸切

謂軹卽轄轄卽軹者說文曰轄轂端告也顏師古急就篇注
曰館穀耑之鐵也趙岐孟子題辭亦曰五經之轄情說文曰
軹車館也方言曰闕之東西曰轄南楚曰軹離騷曰齊王軹
而竝馳漢書揚雄傳曰肆王軹而下馳並謂此也古車轂中
軹以金爲之其形內外周皆圓而薄其長不過四寸許至周
末以後乃有以王爲之者離騷漢書之王軹是也王雖堅而
易碎如金之內外皆圓則薄矣故琢王爲外方內圓形今時
舊王中每每有此物俗卽稱爲釭頭也戴東原氏謂轄軹爲約轂外端者非謂
在軸爲鑄者說文曰鑄車軸鐵也釋名曰鑄間也間釭軸之
間使不相摩也吳子兵法曰膏鑄有餘則車輕人方言曰鑄軹鍊鑄也
廣雅同太平御覽引釋名鑄作鍊元案鍊說文曰治金也鑄爲鈴鑄耕器皆非車上之金蓋鍊卽鑄字鑄卽軹字音同而

俗相假耳據此則鑄軌轄一物穿內金也錮鍊一物軸上金也方言以鍊鑄訓鎔軌隨俗相假也 謂在車謂

之轄者儀禮既夕記曰犬服木鎔鎔今文爲轄喪用木轄平

日用金可知謂車環爲捐者爾雅釋器曰環謂之捐郭璞注

曰著車衆環謂衡上環爲轡者爾雅釋器曰載轡謂之轡郭

璞注曰車軌上環轡所貫也說文亦曰轡車衡載轡者高誘淮南

子注曰轡所以縛衡義未確 元案金革之事考工不詳而輟棗錫捐等並

爲至要故詳解之

推求車度次第解第六

案考工記車工之事文省事該其言度數每建首一物明言其度其後或多或少分析推之或略或闕交互求之加減比例豪釐不差元旣因其度數之關於大體者考于解中矣復

類其次弟相求之故及未推之事步算如左

記曰兵車乘車之輪崇六尺六寸得

輪崇六尺六寸

記不言輪周然以輪徑求輪周其數可得古法徑一圍三皆

是疏率

徑一圍三乃六等邊形每弦與圍半徑相等者

考工于大車則用疏率約計

之觀車人渠三柯者三可見輪人不言牙周密率故也隋志

載祖冲之所開密率實得古法

觀輶斡矢求弧背得數與三其輪崇說合知古人本有密

率後人失之耳

其率徑一者圍三一四一五九二七今用此求得

輪周二丈零七寸三分四釐零

記曰六分輪崇以其一爲之牙圍今推得

牙面寬一尺一寸

記曰參分其牙圍而漆其二推得

牙而漆者七寸三分三釐三豪

不漆者三寸六分六釐六豪

記不言牙厚今以車人文互校求得

牙厚二寸

記曰梲其漆內而中訕之以爲轂長推得

轂長二尺九寸三分三釐三豪

記曰以其長爲之圍推得

轂圍二尺九寸三分三釐三豪

記不言轂徑蓋有圍卽有徑也密率圍周一零零零零其
徑當零三一八三零今用此求得

轂徑九寸三分三釐七豪

記曰五分其轂長去一以爲賢去二以爲軹今依鄭注訂去一爲去二推得

賢圍一尺七寸六分

軹圍一尺一寸七分三釐三豪

記不言賢軹徑今以密率求得

賢徑五寸七分零四豪

軹徑三寸七分三釐四豪

記曰參分轂長二在外一在內置其輻

置讀如植立之也置植古同詩商頌置我

鞀鼓箋曰置讀曰植論語植其杖而耘漢石經作置其杖而耘輻博同牙厚二寸除輻博推

得

小窾長一尺八寸二分二釐二豪二在外

大窾長九寸一分一釐一豪一在內

記不言輻長今以輪半崇除去牙面寬及減轂半徑求得

輻長一尺七寸三分三釐一豪留蚤未

記不言輻博輻厚今以車人校之求得

輻博二寸

輻厚六分六釐六豪

記曰參分輻長殺其一其一即轂也推得

輻股長一尺一寸八分八釐四豪

輻轂長五寸七分七釐七豪

記曰參分其股圍去一以為轂圍今以股博股厚二數推得

橢圓圍

股圍五寸一分四釐一豪

骹圍三寸四分二釐六豪

記曰綆參分寸之二今所殺輻博外三分寸之二爲骹不滿
牙外邊卽綆也推得

綆六分六釐六豪

記曰竝其輻廣以爲之弱推得

弱長三寸

記不言蚤長今求蚤長約與菑等得

蚤長三寸

舊說蚤長同牙面寬蚤穿牙外出之加桱非是桱乃橫貫牙面制蚤使不脫者若以有桱必足見足字解

爲牙足之足則大謬矣

右輪

記曰輿崇車廣如一推得

輿廣六尺六寸

記曰參分車廣去一以爲隧推得

隧深四尺四寸

記曰參分其隧一在前二在後揉其式推得

式深一尺四寸六分六釐六豪

記不言輅較深今除去式深求得

輅較深二尺九寸三分三釐三豪

記不言式長今求式長與輿廣等得

式長六尺六寸

記曰以車廣半爲式崇推得

式崇三尺三寸

記曰以隧半爲較崇推得

較崇于式二尺二寸較通高五尺五寸

記曰六分車廣以一爲軫圍推得

四軫圍一尺一寸

記曰參分軫圍去一爲式圍推得

式圍七寸三分三釐三豪

記曰參分式圍去一爲較圍推得

較圍四寸八分八釐八豪

記曰參分較圍去一爲軹圍推得

軛圍三寸二分五釐九豪

記曰參分軛圍去一爲轡圍推得

轡圍二寸一分七釐二豪

右輿

記不言國馬軛長案記曰軛前十尺軛深四尺有七寸由此
求正圓半周爲軛身得

軛身中心長一丈五尺二寸三分六釐六豪

胸十四尺七寸六分五釐四豪高十

五尺七寸零七釐九豪

記不言田馬軛長案記曰田馬之軛深四尺今以軛前十尺
內減軛身兩端六寸餘九尺四寸爲大通徑軛深四尺爲小
半徑爲半橢圓形求其積當二十九尺五十三寸九分七十

釐八十一豪半橢圓周十三尺六寸二分一釐三豪此胸數也再以軌前十尺爲大通徑加軻身徑三寸于四尺共深四尺三寸爲小半徑爲半橢圓形求其積當三十三尺七十七寸二十一分二十釐八十八豪半橢圓周十四尺五寸六分六釐九豪此羸數也以羸胸二數相減得

田馬軻身中心長一丈四尺三寸四分四釐一豪

記不言駑馬軻長案記曰駑馬之軻深三尺有三寸今以軌前十尺內減軻深兩端六寸餘九尺四寸爲大通徑軻深三尺三寸爲小半徑爲半橢圓形求其積當二十四尺三十六寸三十分五十釐九十二豪半橢圓周十二尺三寸七分二釐二豪此胸數也再以軌前十尺爲大通徑加軻身徑三寸

于三尺三寸其深三尺六寸爲小半徑爲半橢圓形求其積
當二十八尺二十七寸四十三分三十三釐七十六豪半橢
圓周十三尺三寸二分八釐五豪此贏數也以贏胸二數相
減得

駑馬軋身中心長一丈二尺八寸零零一豪

記曰十分其軋國馬之軋之長以一爲當兔之圍推得

當兔圍一尺五寸二分三釐六豪

記曰參分兔圍去一以爲頸圍推得

頸圍一尺零一分五釐零

記曰五分頸圍去一以爲踵圍推得

踵圍八寸一分二釐零

記曰衡長車廣如一推得

衡長六尺六寸

記曰衡任者五分其長以其一爲之圍推得

衡圍一尺三寸二分

記不言任正長今求任正長與輿廣等得

任正長六尺六寸

記曰任正者十分其輶之長以其一爲之圍推得

任正圍一尺五寸二分三釐六豪

記不言軸長今求兩輪相去八尺爲軌兩輪加小穿各長一尺八寸二分二釐二豪再約以一寸六分一釐一豪爲出轂設輦之地求得

軸長一丈二尺

匠人應門二徹參个注曰二徹之內八尺三个二丈四尺半之爲一丈二尺與今所求相合蓋

應門容二車也依鄭氏漆輪法則徹廣八尺外小穿各長二尺六寸軸通長一丈三尺四寸應門棖桌間不能容車矣

記曰五分其軫間以其一爲之軸圍推得

軸圍一尺三寸二分

軸徑與大穿徑不相當其中爲鑄厚也今以兩徑數相減求得

鑄金厚七分四釐九豪

右軻

右車制圖解元二十四歲寓京師時所撰撰成卽棐之其間重較軻前十尺後軻諸義實可辯正鄭注爲江慎修戴東原諸家所未發且以此立法實可閉門而造駕而行之

此後金輔之程易田兩先生亦言車制書出元後其于任
木梢數等義頗與鄙說不同其說亦有是者元之說亦姑
與江戴諸說並存之以待學者精益求精焉嘉慶八年阮
元識於浙江節院時年四十

宮保師考工記車制圖解乾隆戊申秋杰從丁教授小雅
杰所見之教授云解中言漢以前任正因近軫而冒軫之
名漢以後歸軫于輿而失任正之本是論確不可易近編
經解合衆說觀之實非考證賅洽亦何能精審若是也道
光六年錢塘弟子嚴杰謹識於兩廣督署

刑部山西司郎中臨川李秉文刊

皇清經解卷二千五十六終

嘉應葉
輕舊校
番禺黎永
椿新校





考工記車制圖解

PL

2468

Z8K338

1860a